

## FRAMKVÆMDARÁKVÖRÐUN FRAMKVÆMDASTJÓRNARINNAR

2015/EES/16/02

frá 27. mars 2013

um niðurfellingu ákvarðana 2003/135/EB, 2004/832/EB og 2005/59/EB um samþykkt áætlanu um útrýmingu svínapestar og neyðarbólusetningu villtra svína í Þýskalandi, Frakklandi og Slóvakíu

(tilkynnt með númeri C(2013) 1741)

(Einungis franski, þýski og slóvakíski textinn hafa lagagildi)

(2013/164/ESB) (\*)

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2001/89/EB frá 23. október 2001 um ráðstafanir Bandalagsins til að hafa eftirlit með svínapest (<sup>1</sup>), einkum 16. gr. (1. mgr.), 20. gr. (2. mgr.), 25. gr. (3. mgr.) og 29. gr. (2. mgr.),

og að teknu tilliti til eftirfarandi:

- 1) Ákvörðun framkvæmdastjórnarinnar frá 27. febrúar 2003 til samþykktar áætlunum um að útrýma svínapest og um neyðarbólusetningu villtra svína við svínapest í Þýskalandi og í sambandsríkjunum Neðra-Saxlandi (Niedersachsen), Nordrhein-Westfalen, Rheinland-Pfalz og Saarland (<sup>2</sup>), ákvörðun framkvæmdastjórnarinnar 2004/832/EB frá 3. desember 2004 um samþykkt áætlana um að útrýma svínapest í villtum svínum og um neyðarbólusetningu þessara svína í Norður-Vogesafjöllum (<sup>3</sup>) og ákvörðun framkvæmdastjórnarinnar 2005/59/EB frá 26. janúar 2005 um samþykkt áætlana um útrýmingu svínapestar í villtum svínum og um neyðarbólusetningu gegn svínapest í þessum svínum í Slóvakíu (<sup>4</sup>) voru samþykktar eftir að svínapest hafði verið staðfest í villtum svínum á tilteknum svæðum í Frakklandi, Þýskalandi og Slóvakíu, eftir því sem við á. Með þessum ákvörðunum voru áætlanir um útrýmingu svínapestar og neyðarbólusetningu villtra svína gegn þeim sjúkdómi samþykktar fyrir þau aðildarríki.
- 2) Í framkvæmdarákvörðun framkvæmdastjórnarinnar 2012/761/ESB frá 30. nóvember 2012 um samþykkt

ársáætlana og áætlana til margra ára, sem aðildarríkin lögðu fram fyrir 2013 og varða útrýmingu tiltekinna dýrasjúkdóma og sjúkdóma, sem berast milli manna og dýra, varnir gegn þeim og vöktun þeirra, og um fjárframlag Sambandsins vegna þessara áætlana (<sup>5</sup>) eru m.a. samþykktar áætlanir um varnir gegn svínapest og vöktun hennar, sem Þýskaland og Slóvakía lögðu fram.

- 3) Árið 2011 tilkynntu Frakkland og Slóvakía framkvæmdastjórninni og aðildarríkjunum um góða stöðu varðandi svínapest á yfirráðasvæði þeirra. Framlagðar upplýsingar gáfu til kynna að tekist hefði að útrýma svínapest í villtum svínum á sýktum svæðum í þessum aðildarríkjum. Að auki upplýsti Þýskaland framkvæmdastjórnina og aðildarríkin um það árið 2012 að tekist hefði að útrýma svínapest í villtum svínum á sýktum svæðum í því aðildarríki.
- 4) Samkvæmt upplýsingunum sem Frakkland, Þýskaland og Slóvakía lögðu fram var neyðarbólusetningu villtra svína hætt. Að auki er öflugt eftirlit á þeim svæðum, sem áður hafa orðið fyrir áhrifum af sjúkdómnum, viðhaldið sem hluta af áætlunum sem samþykktar voru með framkvæmdarákvörðun 2012/761/ESB. Ráðstafanirnar, sem kveðið er á um í áætlunum um útrýmingu svínapestar og neyðarbólusetningu villtra svína gegn svínapest, sem voru samþykktar fyrir þessi aðildarríki eru þar af leiðandi ekki lengur nauðsynlegar.
- 5) Til að tryggja skýrleika og samræmi í löggjöf Sambandsins ætti þar af leiðandi að fella úr gildi ákvarðanir 2003/135/EB, 2004/832/EB og 2005/59/EB.
- 6) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

SAMBÝKKT ÁKVÖRÐUN ÞESSA:

I. gr.

Ákvarðanir 2003/135/EB, 2004/832/EB og 2005/59/EB eru felldar úr gildi.

(\*) Þessi ESB-gerð birtist í Stjtið. ESB L 91, 3.4.2013, bls. 10. Hentar var getið í ákvörðun sameiginlegu EES-nefndarinnar nr. 136/2013 frá 15. júlí 2013 um breytingu á I. viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 72, 19.12.2013, bls. 6.

(<sup>1</sup>) Stjtið. ESB L 316, 1.12.2001, bls. 5.

(<sup>2</sup>) Stjtið. ESB L 53, 28.2.2003, bls. 47.

(<sup>3</sup>) Stjtið. ESB L 359, 4.12.2004, bls. 62.

(<sup>4</sup>) Stjtið. ESB L 24, 27.1.2005, bls. 46.

(<sup>5</sup>) Stjtið. ESB L 336, 8.12.2012, bls. 83.

2. gr.

Ákvörðun þessari er beint til Sambandslýðveldisins Þýskalands, Lýðveldisins Frakklands og Lýðveldisins Slóvakíu.

Gjört í Brussel 27. mars 2013.

*Fyrir hönd framkvæmdastjórnarinnar,*

Tonio BORG

*framkvæmdastjóri.*

---